



## SRI SHIRDI SAI BABA TEMPLE

(Non – Profit Organization Tax Id No. 32-0064813)

28875 W . 7 Mile Road, Livonia MI 48152 Phone :1-866-BABA-789

# Shri Hanuman Chalisa Chanting by Devotees

Tue Mar 28 At 745PM and Wed Mar 29 to Apr 4 at 7PM

## श्री हनुमान चालीसा

॥ दोहा ॥

श्री गुरु चरन सरोज रज, निज मन मुकुर सुधारि ।  
बरनऊं रघुबर विमल जसु, जो दायक फल चारि ॥ १ ॥  
बुद्धिहीन तनु जानिके, सुमिरो पवन - कुमार ॥  
बल बुद्धि विधा देहु मोहिं, हरहु क्लेश विकार ॥ २ ॥

॥ चौपाई ॥

जय हनुमान ज्ञान गुन सागर, जय कपीस तिहुँ लोक उजागर ॥ १ ॥  
रामदुत अतुलित बल धामा, अंजनि -पुत्र पवनसुत नामा ॥ २ ॥  
महावीर विक्रम बजरंगी, कुमति निवार सुमति के संगी ॥ ३ ॥  
कंचन बरन बिराज सुबेसा, कानन कुंडल कुंचित केसा ॥ ४ ॥  
हाथ वज्र और ध्वजा विराजै, काँधे मूँज जनेऊ साजै ॥ ५ ॥  
शंकर सुवन केसरी नन्दन, तेज प्रताप महा जग वन्दन ॥ ६ ॥  
विधावान गुनी अति चातुर, राम काज करिबे को आतुर ॥ ७ ॥  
प्रभु चरित्र सुनिबे को रसिया, राम लखन सीता मन बसिया ॥ ८ ॥

सूक्ष्म रूप धरि सियहिं दिखावा, विकट रूप धरि लंक जरावा ॥ ९ ॥  
भीम रूप धरि असुर संहारे, रामचन्द्र के काज संवारे ॥ १० ॥  
लाय सजीवन लखन जियाये, श्री रघुबीर हरषि उर लाये ॥ ११ ॥  
रघुपति कीन्ही बहुत बड़ाई, तुम मम प्रिय भरत सम भाई ॥ १२ ॥  
सहस्र बदन तुम्हरो यस गावैं, अस कहि श्रीपति कंठ लगावैं ॥ १३ ॥  
सनकादिक ब्रह्मादि मुनीसा, नारद सारद सहीत अहीसा ॥ १४ ॥  
यम कुबेर दिगपाल जहाँ ते, कवि कोबिद कहि सके कहाँ ते ॥ १५ ॥  
तुम उपकार सुग्रीवहिं कीन्हा, राम मिलाय राज पद दीन्हा ॥ १६ ॥

तुम्हरो मन्त्र विभीषन माना, लंकेश्वर भये सब जग जाना ॥ १७ ॥  
जुग सहस्र जोजन पर भानू, लील्यो ताहि मधुर फल जानू ॥ १८ ॥  
प्रभु मुद्रिका मेलि मुख माही, जलधि लांघि गए अचरज नाही ॥ १९ ॥  
दुर्गम काज जगत के जेते, सुगम अनुग्रह तुम्हरे तेते ॥ २० ॥  
राम दुआरे तुम रखवारे, होत न आज्ञा बिनु पैसारे ॥ २१ ॥  
सब सुख लहै तुम्हारी सरना, तुम रक्षक काहू को डरना ॥ २२ ॥  
आपन तेज सम्हारो आपै, तीनों लोक हाँक ते काँपै ॥ २३ ॥  
भूत पिशाच निकट नहीं आवै, महावीर जब नाम सुनावै ॥ २४ ॥

नासै रोग हरे सब पीरा, जपत निरंतर हनुमत बीरा ॥ २५ ॥  
संकट से हनुमान छुड़ावै, मन क्रम बचन ध्यान जो लावै ॥ २६ ॥  
सब पर राम तपस्वी राजा, तिनके काज सकल तुम साजा ॥ २७ ॥  
और मनोरथ जो कोई लावै, सोई अमित जीवन फल पावै ॥ २८ ॥  
चारों युग परताप तुम्हारा, है परसिद्ध जगत उजियारा ॥ २९ ॥  
साधु सन्त के तुम रखवारे, असुर निकंदन राम दुलारे ॥ ३० ॥  
अष्ट सिद्धि नौ निधि के दाता, अस वर दीन जानकी माता ॥ ३१ ॥  
राम रसायन तुम्हरे पासा, सदा रहो रघुपति के दासा ॥ ३२ ॥

तुम्हरे भजन राम को भावै, जनम जनम के दुःख बिसरावै ॥ ३३ ॥  
अन्त काल रघुपति पुर जाई, जहाँ जन्म हरि - भक्त कहाई ॥ ३४ ॥  
और देवता चित न धरई, हनुमत सेइ सर्व सुख करई ॥ ३५ ॥  
संकट हरै मिटे सब पीरा, जो सुमिरे हनुमत बलबीरा ॥ ३६ ॥  
जै जै जै हनुमान गोसाई, कृपा करहु गुरुदेव की नाई ॥ ३७ ॥  
यह सत बार पाठ कर सोई, छुटहिं बंदि महासुख होई ॥ ३८ ॥  
जो यह पढ़ै हनुमान चलीसा, होय सिद्धि साखी गौरीसा ॥ ३९ ॥  
तुलसीदास सदा हरि चेरा, कीजै नाथ हृदय महं डेरा ॥ ४० ॥

॥ दोहा ॥

पवनतनय संकट हरन,  
मंगल मूर्ति रूप ।  
राम लखन सीता सहित,  
हृदय बसहु सुर भूप ॥

